

ՄԻՋՆԱԴԱՐՅԱՆ ԿՈՒՂՊԱԿՆԵՐԸ ԵՎ ԴՐԱՆՑ ՆՎԻՐԱՏՎՈՒԹՅՈՒՆՆԵՐԸ IX—XIV դդ.

Հայտնի է, որ IX—X դդ. Հայաստանում ձևավորվում է ֆեոդալական քաղաքը, դառնալով արհեստագործության և առևտրի նշանակալից կենտրոն: X դարում Հայաստանում կային մոտ երեսունհինգ մեծ ու փոքր քաղաքներ և մեկ տասնյակից ավելի գյուղաքաղաքներ, որոնք խոշոր դեր էին խաղում արհեստագործության և առևտրի զարգացման բնագավառում: Խոշոր քաղաքներում, որտեղ ավելի նպաստավոր պայմաններ կային տնտեսության այդ ճյուղերի լայն զարգացման համար, առաջացել էին առևտրա-արհեստավորական շարքեր, շուկաներ, խանապար-իշկանատներ, փնդուկ-հյուրանոցներ, որոնք կոչված էին ծառայելու ինչպես արհեստագործական արտագրության կազմակերպմանը և զարգացմանը, ներքին շուկայում արտադրանքի վաճառքին, այնպես էլ արտաքին առևտրին:

Քաղաքներում արհեստավորական շարքերը մասնագիտացված բնույթ են կրել: Նույնանուն արտադրանք տվող արհեստավորները կենտրոնանում էին մի վայրում: Հաճախ այդպիսի բաժանումը պայմանավորված էր «տվյալ արհեստի բնույթով, օրինակ կաշեգործները, կավագործները՝ իրենց արհեստանոցները հիմնում էին ավանի կամ քաղաքի միջով կամ նրա կողքով հոսող գետերի և գետակների ափին»¹, քանի որ հոսող ջրի առկայությունը նրանց աշխատանքում խիստ անհրաժեշտ էր:

Արտադրված ապրանքը արհեստավորները երբեմն իրենք էլ իրացնում էին իրենց արհեստանոցում կամ, ինչպես դրանք կոչվել են միջնադարում՝ կուղպակներում: Ընդհանրապես կուղպակների և մասնավորապես դրանց նվիրատվությունների վերաբերյալ բազմաթիվ հիշատակություններ են պահպանվել մատենագիր և վիճագիր աղբյուրներում: Կուղպակ-կրպակների մասին ամենավաղ վկայությունը վերաբերում է IX դարի վերջերին: Գեղարքունիքի Գրիգոր-Սուփան իշխանը Մաքենյաց վանքին նվիրաբերած բազմաթիվ առարկայական, դրամական և հողային նվերների կողքին նշում է նաև կուղպակներ՝ «Ե կուղպակ յԱնի»²:

1 Բ. Ն. Առաքելյան, Քաղաքները և արհեստները Հայաստանում IX—XIII դդ., հատ. 1, Երևան, 1958, էջ 61:

2 «Դիվան հայ վիճագրության», պրակ 4, Երևան, 1973, էջ 290: Տե՛ս նաև Ստ. Օրբելյան, Պատմություն նահանգին Սիսական, Թիֆլիս, 1910, էջ 179—181:

Անիի Գրիգոր Պահլավունու եկեղեցու մուտքի բարավորի վրա Գրիգորի կողակից Շուշան տիկնանց տիկինը թողել է երկու արձանագրություն: Առաջինում՝ 994 թ., Շուշանը եկեղեցուն է նվիրում «զՄրուանա կուղպակ»³, որ նա գանձագին էր արել, այսինքն գնել էր: Երկրորդում՝ նույն Շուշանը «ետու զՄրուանա կուղպակն ի սուրբ Գրիգոր: 2: (80) դրամ: 1: (30) Սեգային եւ: 5: (50) Մրուանա»⁴: Այստեղ, հավանաբար, գործ ունենք կուղպակի գնի կամ ստացվող եկամտի չափի հետ:

Կուղպակների նվիրատվություններ են պարունակում նաև Վահրամ Պահլավունու 1029 թ. Մարմաշենի⁵, Ապղարի Պահլավունու 1035 թ. Անիի Ս. Փրկիչ⁶ և Շուշան Պահլավունու եկեղեցիների, ինչպես նաև Աբուղամր մագիստրոսի որդի Գրիգոր եպիսկոպոսի Մարմաշենի արձանագրություններում⁸:

Մոտավորապես նույն ժամանակին է վերաբերում Վահրամ Պահլավունու մեկ այլ արձանագրությունը, փորագրված Անիում Գրիգոր Պահլավունու կառուցած եկեղեցու մուտքի բարավորի վրա, որտեղ կարդում ենք. «Կամաւքն այ. Ես Վահրամ իշխանաց իշխան, ետու զիմ որդոյն զԱպուխամրի ոգեբաժին եւ գնեցի: Բ: կուղպակ զԼորագոյնին եւ զՈրսաւտին (յ)Ոշականց ետու ի սուրբ Գրիգորի...»⁹: Ամենայն հավանականությամբ այդ կուղպակները գտնվել են Օշական գյուղաքաղաքում: Այդպիսի դեպքեր եզակի չեն, երբ որևէ կրոնական հաստատություն նվեր է ստացել տներ, կուղպակներ և այլ անշարժ ունեցվածք, որոնք գտնվել են այդ վայրերից շատ ավելի հեռու: «Արձանագրություններից իմանում ենք,— նկատում է Ն. Մառը,— որ Անիում տների (այստեղ սլետք է ավելացնել նաև այգիներ, կուղպակներ, հողակտորներ և այլն—Գ. Ս.) տեր էին իշխանները, ընդհանրապես ազնվականությունը, ինչ-

3 «Դիվան հայ վիճագրության», պրակ 1, Երևան, 1966, էջ 31, արձ. № 93:

4 Նույն տեղում, էջ 32, արձ. № 94:

5 «Վիճական տարեգիր», կազմեց Կ. Կոստանյանը, Պետերբուրգ, 1913, էջ 17:

6 «Դիվան հայ վիճագրության», պրակ 1, էջ 44, արձ. № 126:

7 Նույն տեղում, էջ 49, արձ. № 138:

8 «Վիճական տարեգիր», էջ 70:

9 «Դիվան հայ վիճագրության», պրակ 1, էջ 32, արձ. № 95:

պես և եկեղեցիներ ու վանքեր, հաճախ տեղա-
վորված Անիից դուրս»¹⁰։

Կրպակավաճառի և կրպականոցի (այն վայ-
րը, որտեղ գտնվում են կրպակները) վկայու-
թյան հանդիպում ենք Ներսես Լամբրոնացու մի
աշխատության մեջ, ուր կարդում ենք. «Համար
տուրևանդան՝ կրպակաւորացն է գործ յեկեղե-
ցիս որպէս կրպականոց, մի հարկաւորէք զմեզ
փայտ համարոյ կախել»¹¹։ Լամբրոնացին դի-
մում է եկեղեցականներին՝ կոչ անելով շղրադ-
վել առևտրով, քանզի դա կրպակավորների
գործն է, և տաճարը չդարձնել շուկա։

Անիից ոչ հեռու, Բաղնայրի վանքում նույն-
պես կան մի քանի արձանագրություններ, որ-
տեղ խոսվում է վանքին նվիրաբերած կուղպակ-
ների մասին։ Դրանցից վաղագույնը Գրիգոր
Ծաղկանի արձանագրությունն է՝ գրված 1042 թ.։
Գրիգորը, եղբոր՝ Մուկաթի և որդիների պատ-
վին պատարագներ ստանալու համար Բագնայրի
Աստվածածին վանքին է նվիրում իր «գանձա-
գին կուղպականին, որ Վասիլին փնդկին ընդդեմ
է»¹²։ Նույն վանքի մեկ այլ վիճագրում կար-
դում ենք. «ՈՅԸ (1209) ի յամս աստուածա-

պատիւ տն Սարգսի, որդոյ Ապիրատին, ևս Խա-
չերեսս, որդի Արրահամու լաւոցի, ետու զիմ
գանձագին եւթն կուղպակն ի շարի, վեց ի վե-
րեւն ևս մին ի ներքեւն, մզթին ընդդեմ»¹³։
Արձանագրության այս մասը սխալ է վերծան-
ված եղել. Կոստանյանը այսպես է ներկա-
յացնում. «...ևթն կուղպակն ի Շարիվեցի վե-
րեւն մին ի ներքն... զՔթին ընդդեմ»¹⁴։ Չնա-
յած մեր ձեռքի տակ չունենք արձանագրության
լուսանկարը, սակայն կարող ենք ասել, որ Բա-
նայրյանի վերծանությունը ավելի հավանական
է։ Արձանագրության մեջ խոսվում է Անիի Աբու
մա-Ամրան մզկիթի ղեկավարի կուղպակաշարքի
վերևի վեց և ներքևի մեկ կուղպակների մասին։

Անիի մի շարք կուղպակների և նրանցում կա-
տարվող առևտրի իրավական ձևակերպման մա-

սին է խոսվում Աբու մա-Ամրան մզկիթի վրա
պահպանված շեղագյան Քեյ-Սուլթանի արձա-
նագրության մեջ։ Մանուչե Շեղագյանի ծոռ
Քեյ-Սուլթանը գրում է. «Հանուն իմ նախնինե-
րի և ժառանգների երկարակեցության, բամբա-
կի և բամբակեղեն գործվածքների վաճառքը
թույլատրվում է այստեղից, որտեղ գտնվում է
Աբու մա-Ամրան մզկիթը, մինչև Սեբիլ փողոցի
կուղպակները։ Մենք կարգադրեցինք առևտուրը
այստեղ կազմակերպել»¹⁵։ Ինչպես նշում է ար-
ձանագրության հրատարակիչը, մզկիթին կից
տարածության վրա պեղումների միջոցով բաց-
վել են մեծ քանակությամբ կուղպակներ, իսկ
դրանցից որոնք են նշված արձանագրության
մեջ, նա դժվարանում է ցույց տալ, ենթադրե-
լով միայն, որ այդ կուղպակների մեջ «առավե-
լություն պետք է ստանա նրանցից առաջինը,
որ սեղավորված էր մզկիթի դիմաց»¹⁶։

Անիի վաճառականական դասի ամենացա-
յուն ներկայացուցիչներից մեկը՝ մեծահարուստ
Տիգրան Հոնենցը, 1213 թ. իր միջոցներով նո-
րոգել է տալիս Մայր տաճարի աստիճանները
և այդ առիթով «Ետու նուէրք ի սուրբ կաթողի-
կէս զիմ գանձագին կուղպակն որ ի Կատտոն-
ցին է»¹⁷։ Այս արհեստի անունը անհասկանա-
լի է, թերևս ենթադրելի է «թաղիքագործներ»
իմաստը։ Ակնի բարբառում օգտագործվել է
կտտել՝ «հրել, մշտել, մխտել» բառը¹⁸, միգու-
ցե խոսքը վերաբերում է բուրդը կտտելուն։

Տիգրան Հոնենցը 1215 թ. իր կառուցած
Ս. Գրիգոր եկեղեցուն այնպիսի մեծաքանակ ու
բազմապիսի նվիրատվություններ է կատարում,
որ կվայելեր միայն թագավորներին։ Ի թիվս
այլ շարժական և անշարժ գույքի, եկեղեցին
տեր է դառնում երկու կուղպակների, որոնցից
մեկը գտնվել է Անիի հրապարակներից մեկում՝
խանապարին (հյուրանոց-իջևանատուն) կից՝
«ի մոզանի խանապարն կուղպակնովն»¹⁹, իսկ
մյուսը պատկանել է մեկ այլ մեծահարուստի
(Պապենց տոհմին պատկանող խանապարի
«դռան կուղպակն»)։

Կուղպակի նվիրատվության հիշատակություն

15 Л. Т. Гюзальян, Персидская над-
пись Кей-Султана Шеддади в Ани, Сбо-
рник академику Н. Я. Марру, М.—Л., 1935,
էջ 633։

16 Նույն տեղում, էջ 637։

17 «Դիվան հայ վիճագրության», պրակ 1,
էջ 34, արձ. № 100։

18 Հ. ր. Ա ճ ա ո յ ա ն, Հայերեն արձատա-
կան բառարան, հատ. 2, Երևան, 1973, էջ 664։

19 «Դիվան հայ վիճագրության», պրակ 1,
էջ 63, արձ. № 188, մոզան—մեյդան—հրապա-
րակ։

¹⁰ Н. Я. Марр, Раскопки в Ани в
1904 году, С. Петербург, 1906, էջ 11։

¹¹ «Արրոյն Ներսեսի Լամբրոնացոյ Տարսոնի
եպիսկոպոսի խորհրդածութիւնք և կարգս եկե-
ղեցոյ ևս մեկնութիւն խորհրդոց պատարագին»,
Վենետիկ, 1847, էջ 107։ Կուղպակներում որևէ
երևացող տեղ կախվել է փայտե սալիկ, որի
վրա գրված են եղել տվյալ կուղպակից ստաց-
վող եկամտի կամ տիրոջը տրվող հարկի չա-
փերը («փայտ համարոյ»)։

¹² Կ. Հ. Բ ա ս մ ա ջ յ ա ն, Հայերեն ար-
ձանագրությունք Անվո, Բագնայրի և Մար-
մաշինո, Պարիս, 1931, էջ 137—138։

¹³ Նույն տեղում, էջ 144։

¹⁴ «Վիճական տարեգիր», էջ 49։

է պարունակում Հռոմոսի վանքի 1218 թ. գրքաված արձանագրությունը. «...ես Վարդաճիժ Վարդհանց ետու զիմ կուղական եւ ի ներքեն տակառք ի վերի փողոցին քանեկից է Տիգրանա»²⁰։ Այստեղ ուշագրավ է կուղական բառին հաջորդող «ի ներքեն տակառք» արտահայտությունը, որտեղ խոսքը, հավանաբար, վերաբերում է մառանին։

Հռոմոսի վանքի սեփականությունների և նվիրատվությունների մասին արժեքավոր տեղեկություններ է հաղորդում նույն վանքից մի անթվական արձանագրություն. «Հռոմոսին վանացս հայրենիք, որ ի քաղաքին (իմա՝ Անի—Գ. Ս.) այս են... Վահրամ ետ կուղական ի Դարբնո փողոցին մաւտ ի սբ Գրիգորն»²¹։ Պարզվում է, որ Անիի Ս. Գրիգոր եկեղեցու մոտ ձգվել է դարբինների թաղ-փողոցը։

Անիից ոչ հեռու գտնվող Խժկոնքի վանքը նույնպես ունեցել է սեփական կուղականներ։ Այդ մասին են վկայում մի քանի արձանագրություններ, որոնք գրվել են XIII դարում։

1220 թ. ոմն Խաչոս՝ Շեխյանց տոհմից և նրա ամուսին Ավագտիկինը միաբանում են Խժկոնքի Ս. Ուխտին և տալիս իրենց «հայրենի տներն, որ ընդդէմ Գոգոնց ս. Սարգսի է և զկուղական որ ի վերա Ծոաղուկակին է»²²։ «Ծոաղուկակը» Անիի փողոցներից մեկի անունն է և քանիցս հանդիպում է արձանագրություններում²³։

1233 թ. Սամուել Անեցու թոռ Աբրահամ երեքը Խժկոնքի վանքին է նվիրում իր նորաշեն երկու տունը՝ «եւ ի վերէն : Բ : կուղական»²⁴։ Այստեղ նվիրվել են Աբրահամ երեքի երկհարկանի տան երկրորդ հարկի կուղականները։ Արձանագրության նախավերջին նախադասությունը թույլ ափսոսանքով է եկեղեցուն նվիրաբերված առարկաների կամ գույքի առուծախի մասին, իզուր չէ, որ արձանագրության հեղինակը վերջում գրում է. «հայր որ յանդգնի ծախել կամ գրականել, մի գտցէ ողորմութիւն ի տեառնե»։ Հեղինակը արձանագրության մեջ «գրավեանել» (գրավ վերցնել) բառը օգտագործել է գրավ ստալու իմաստով։

Նույն թվականին Ջեչկանց տոհմից Վահրամը Բագնայրի վանքին է նվիրում կուղականներ։ Նվիրատուն տալիս է իր «գանձագին կուղական ի փողոցկտերն, որ ի Թորոսոնց կուղականին

վերա է և զայն տունն, որ Սեթենց հիմնակից է, եւ ի վերայն կուղական»²⁵։

Արճեշում գտնվող կուղականների մասին ուշագրավ տեղեկություններ են պահպանվել Կիրակոս Գանձակեցու մոտ²⁶։ Պատմելով Վասպուրականի երևելի վարդապետների մասին, նա նշում է Աստվածատուր վարդապետին, որն Արճեշ քաղաքից էր։ Լինելով մեծահարուստ ընտանիքի զավակ, նա իր ծնողների մահվան առիթով զոհաբերություններ է կատարում. «Առեալ ոսկի և արծաթ՝ արկանէր ի ձեռս մօր իւրոյ և կոչէր զաղքատս առնուլ ի ձեռաց մօրն, որպէս թէ ինքն իսկ իւրովք ձեռքն իցէ տուեալ», իսկ հոր թաղման ժամանակ «զամենայն ինչս բաշխեաց կարօտելոց»։ Այնուհետև պատմիչն անդրադառնում է վարդապետի «բազումք» կուղականներին, որոնք «ետ ի վարձու և յամենայն ամի առեալ ղինան» (իմա՝ հասույթը, եկամուտը), որով նա գնում է ոչխարի մորթիներ ու կտավ, իր ձեռքով հագուստ կարում և բաժանում աղքատներին։ Պարզվում է, որ Աստվածատուրը, լինելով կրոնավոր, միաժամանակ զբաղվել է արհեստով (դերձակություն)։

Պահլավունյաց Շարափշահ իշխանի ամուսին Թագուհին 1230-ական թթ. Բագնայրի ուխտին է նվիրում «Սառըճիփողոցին կուղական»²⁷։ Արհեստավորական այս փողոցը Անիի հայտնի թաղերից էր։ Կուղականներ է նվիրում նաև Շարափշահի դուստրը՝ Թաիկը, որի կուղականները գտնվել են պալատարների արհեստավորական թաղում. «Ետու երկու կուղական յիմ կուղականոյն, որ ի Նալպնդընոցին»²⁸։

XIII դարում հայ իրականության մեջ հանդես եկած առևտրա-վաշխառական դասի ներկայացուցիչներից մեկը, Առյուծը՝ Հոգեկոյանց տոհմից, իր կողակից Սեդայի հետ Հռոմոսի վանքին է նվիրում իրենց հայրենի կուղականը, «որ ի կաշկակարոցին, քանակից է վերի դեհն Տիգրանայ ներքի Սլքերոյն»²⁹։ Այս նույն Առյուծը 1277 թ. Հռոմոսի վանքին է նվիրում նաև «նշխարատուն»։

Այս դասի մեկ այլ ներկայացուցիչ՝ Ղազարի որդի Ալեքը և նրա ամուսին Մլրքսթին Հռոմոսի վանքին են նվիրում իրենց գնած կուղականը, որն «ի Ծոաղուկակին»³⁰։ Այս նվիրա-

25 Բ ա ս մ ա ջ յ ա ն, նշվ. աշխ., էջ 159։

26 Կ ի Ր ա կ ո ս Գ ա ն ձ ա կ ե ջ ի, Պատմություն Հայոց, աշխատասիրությամբ Կ. Ա. Մելիք-Օհանջանյանի, Երևան, 1961, էջ 183—184։

27 Բ ա ս մ ա ջ յ ա ն, նշվ. աշխ., էջ 162։

28 Նույն տեղում, էջ 163։

29 «Վիմական տարեգիր», էջ 95։

30 Նույն տեղում, էջ 110։

20 «Վիմական տարեգիր», էջ 61։

21 Նույն տեղում, էջ 241։

22 Նույն տեղում, էջ 63։

23 Ծոաղուկակ հավանաբար պետք է հասկանալ «Ծուռ փողոց» (զուկակ—փողոց)։

24 «Վիմական տարեգիր», էջ 76։

տուն մի կուղպակ է նվիրում նաև Բագնայրի վանքին «ԶԻ (1271 թ.) Շնորհի Աստուծոյ ես Ալէքս վաճառական, որդի Ղազարայ Միարանեցայ Սուրբ Աստուածածին, ետու նուէր ի Բագրգլխոցին կուղպակ մի»³¹։ Այստեղ Ալեքո չորրորդը վաճառական է «վաճառական», որը կարելի է վկայություն է նրա դասային պատկանելությունը որոշելու տեսակետից։

Հայաստանում XII դարի վերջում առաջացած իշխանական տներից էին Ուբանանք, որոնք արդեն XIII դարում տեր են դառնում մեծ տիրույթների։ Այս տոհմից առանձնապես աչքի ընկան Ուբան Քարիմադինը և Պապքան Վախրադինը, որոնք իրենց կառուցած վանքերին և եկեղեցիներին մեծամեծ նվիրատվություններ են անում։ Այդ է վկայում Անիից ոչ հեռու գտնվող Կարմիր վանքի արձանագրություններից մեկը, որտեղ մեկենասները վանքին նվիրում են «գանձագին հայրենիքն զխանապլաթին գանկն որ միջուրեն էր Շահապին զվերեն եւ զներքեն և զհարաւ կողմանն կուղպականովն...»³²։

Կուղպակների նվիրատվության դեպքերի հանդիպում ենք նաև Հայաստանի մյուս շրջաններում։ Հաղբատի արձանագրություններից մեկում կարդում ենք. «Կաման Ա[ստուծոյ] եմ՝ դեղ-կ-... Յովանիսի որդիս Լոռեցի, որ ետու ի ս[ուրբ] ուխտս Հաղբատա զիմ կուղպակն ի Զահերեն գնած...»³³։ Նույն բնույթի մեկ այլ արձանագրություն պահպանվել է Հավուց թառի Աստվածածին եկեղեցու հյուսիսային պատին.

«Աւնութիւն այ. ես հուցիկ եղէ միարան սր ուխտիս Հաւութա[ռ] եւ ետու զ[եկեղեցիս կուղպակն եւ : Ի : դահեկան...»³⁴։ Կուղպակը հավանաբար գտնվել է նրեանում։

Հոռոմայրի վանքում նույնպես կա նվիրատվություն պարունակող արձանագրություն. «Բ թուին : ԶԼԹ : (1290) ես Սարգիս Ճոճկանանց, եւ ամուսին իմ Արգուխաթուն միարանեցաք սուրբ Նշանիս, շինեցաք զանգակատունն եւ ետու զիմ հայրենի ջրաղացն, կուղպակն, արտերն...»³⁵։ Սարգիսը, հավանաբար, տեղացի մեծահարուստներից է, որ կառուցելով վանքի զանգակատունը, այդպիսի նվիրատվություններ է կա-

տարել։ Ամենայն հավանականությամբ կուղպակը գտնվել է Լոռե քաղաքում։

Ուշագրավ արձանագրություն է մեզ հասել Արճնշից, Դրանից իմանում ենք, որ 1291 թ. Քաջբերունյաց գավառի «տեսուչ» տեր Աբրահամը Արճնշի Աստվածածին եկեղեցուն է նվիրել «...ի քաղաքին տներ եւ : Բ : կուղպակ»³⁶։ Ուշագրության արժանի է արձանագրության մեջ «տեսուչ» տերմինի առկայությունը, որն այստեղ, հավանաբար, օգտագործվել է եպիսկոպոս իմաստով։

Նախնական քաղաքի կուղպակների մասին է Ստ. Օրբելյանի մոտ պահպանված հիշատակությունը։ Նրա էլիկում Օրբելյանը հիվանդանում է, նրան այցի է գալիս էլտկուզ աթաբեկը և հիվանդի մանկահասակ Լիպարիտ որդուն, ի թիվս այլ պարզենների, նվիրում «...ի Նախջաւան աւագ փողոցին 30 կուղպակ», որպես «յազգէ յազգ հայրենիք»³⁷։

Նվիրատվական գործարքների մասին գրառումներ են հանդիպում նաև հայերեն ձեռագրերում։ Այդ բնույթի հիշատակություններ հիմնականում տեղ են գտել Վասպուրականի նահանգի վանքերում գրված ձեռագրերում։ Ինչպես նշում է ՀՍՍՀ ԳԱ ակադ. Լ. Խաչիկյանը, «Եթե Հայաստանի մյուս շրջաններում՝ Այրարատում, Սյունիքում, Արցախում տնտեսական գործարքները իրենց արտացոլումն են գտել վիճազերում, ապա Վասպուրականում գերադասել են այդ նույն նպատակի համար օգտագործել վանքերում պահվող ձեռագրերը, որոնց վրա գրանցումներ կատարելը տեխնիկական դժվարությունների և մեծածախ աշխատանքների հետ կապված չի եղել»³⁸։ Այդպիսի մի նվիրատվական փաստաթուղթ հանդիպում ենք 1303 թ. Վասպուրականի Դրիգոր Լուսավորչի անապատում գրված ձեռագրում։ Հիշատակագրություններից մեկում կարդում ենք. «Ես սիր Սիմոնս, որ տվի զիմ խանութն որ ի Քաֆկտրնոցն ռիֆ (իմա՝ վակֆ—Ք. Ս.) ի սուրբ Լուսաւորիչն անջինջ, որ քանի յայն աւր վարագայ իաշին կիրակէն պատարագ լինի, որ դրել եմ ինձ հոգեբարձ զԹագվորշահն, որ զիմ հոգիս զինչ աստուած իւր ցուցնէ, եւ խանութին հատերն՝ մէկ դեհն մեծ պարոն Յատարն ու մէկն Կա-

31 Բ ա ս մ ա ջ յ ա ն, նշվ. աշխ., էջ 179։

32 II. A. Орбели, Избранные труды, Ереван, 1963, էջ 474։

33 Կ. Գ. Ղ ա ֆ ա գ ա ռ յ ա ն, Հաղբատ, Երևան, 1963, էջ 206, արձ. № 772. հրատարակիչը կարծում է, որ արձանագրության սկզբում հավանաբար պետք է կարդալ. «Կաման Ա[ստուծոյ] եւ Դեղիկս»։

34 Վերցրել ենք մեր հավաքածուից։

35 «Վիճական տարեգիր», էջ 131։

36 Նույն տեղում, էջ 134։

37 Ս տ ե փ ա ն ո ս Օ Ր Բ Ե Լ յ ա ն, Պատմութիւն նահանգին Սիսական, Թիֆլիս, 1910, էջ 289։

38 Լ. Խ ա չ ի կ յ ա ն, Տնտեսական գործարքների մասին գրառումները հայերեն ձեռագրերում և նրանց աղբյուրագիտական նշանակությունը, «Բանբեր Մատենադարանի», № 5, Երևան, 1960, էջ 22։

րապետ աղեղրարան ու մէկն Սուլէման դանուշ-մանն ու մէկն ճանապարհն, որ առաջի և ի թվ 200 (1303)»³⁹։ Այստեղ «Քաֆկտրնոց» բառը մի քանի ձևով կարելի է մեկնաբանել։ Նախ՝ որպես սպանդանոց, ինչպես ենթադրել է Լ. Խաչիկյանը, այնուհետև հնարավոր է այդ բառի օգտագործումը տեղանվան իմաստով և, վերջապես, ուշագրավ է «կտրնոց-կտուր» բառամասը, որը թույլ է տալիս մտածել, թե այդ խանութը գտնվել է ինչ-որ շինության (քաֆ) կտրին, վերևում։ Հիշատակության առաջին մասը նկարագրում է այն սահմանները (բառացի հատման կետերը), որ ունեն Սիմոնի նվիրած խանութը (իմա՝ առևտրական կուղի)։ այն մի կողմից (դեհ-կողմ) կից էր պարոն Հատարի տանը, մյուս կողմից՝ աղեղագործ Կարապետի տուն-արհեստանոցին, երրորդ կողմից՝ Սուլեման գիտունի կամ իմաստունի տանը և, վերջապես, չորրորդ կողմից սահմանն էր ճանապարհը, որն անցնում էր խանութ-կուղիական ուղիքից։

Բազմաթիվ տաճարի հարավ-արևելյան մուլթի հյուսիսային կողմում ոմն Հովակիմ «ի քաղաքէ [Կեյսարոյ], տալիս է իր «դրամագին կուղական յայս սուրբ եկեղեցիս»⁴⁰։ Արձանագրության հրատարակիչը քաղաքի անունը չի վերականգնել, սակայն մեզ թվում է, որ խոսքը Կեսարիա քաղաքի մասին է։

Հովհաննեսի որդի Շապագինը 1348 թ. Անիի Առաքելոց եկեղեցուն մի շարք նվերներ է տալիս, այդ թվում նաև Ամիր Հասանից գնած մի կուղական, որը գտնվել է «Գազկրոցի [խանյապլըրի դռան դիմաց»⁴¹։

Երևանի մեծահարուստներից Գեշմարդը տեղի Աստվածածին եկեղեցուն է նվիրում «: Բ: կուղական ներքնատներովն ու խղիրովն»⁴²։ Այստեղ ուշագրավ են կուղականներին կից հիշատակված օժանդակ հարմարությունները՝ ներքնատներն ու խղիրը⁴³։

Անիից ոչ հեռու գտնվող Առջուռնի վանքի արձանագրություններից մեկում լուստը և Ապահեթի որդի Գրիգորը վանքին են նվիրում «Փուկարարոց կողական և տունն ի ներքն» և «Սարաճփողոցի կուղական»⁴⁴։

39 Նույն տեղում, էջ 23։

40 Н. А. Орбели. Избранные труды, էջ 468։

41 «Դիվան հայ վիմագրության», պրակ 1, էջ 29, արձ. № 68։

42 Կ. Գ. Ղաֆադարյան, Երևան. Միջնադարյան հուշարձանները և նրանց արձանագրությունները, Երևան, 1975, էջ 138, արձ. № 2։

43 Խղիր-խուղ, տաղավար, փոքր խուց։

44 «Վիմական տարեգիր», էջ 223։

Հոռոմոսի վանքի մի վիմագիր վավերագրում Աստվածատուրի որդի Առյուծը վանքին է նվիրում «ի յԱնի բուն փողոցին... գանձագին կուղական, որ շինեցի ներքի դեհն քանակից է Աւետեանց Բ կուղականի կտերն, մէկն ի վերա կուղականին է և մէկն իւրենն դիմաց»⁴⁵։ Հեղինակը «բուն փողոց» ասելով նկատի ունի Անիի Գլխավոր փողոցը կամ պողոտան⁴⁶։

Կուղականների մասին շատ հետաքրքիր և յուրօրինակ վկայություններ են պահպանվել Գրիգոր Տաթևացու մոտ։ Այստեղ պատմիչը հիմնականում անդրադառնում է առևտրական կուղականներին և ստուգաբանում. «կողբակ որ է գողի բակ»⁴⁷։ Մոտավորապես նույն իմաստն է արտահայտում Գրիգոր Կամախեցու «Ժամանակագրության» մեջ նշված հատվածը. «Թէ՛ գողբակ մի նստիք առևտուր և վաճառ մի առնէք, զի շատ ծանրագույն մեղանք է»⁴⁸։

Կուղական կամ կրական տերմինը բառարաններում բացատրված է «խանութ, գինետուն»⁴⁹։ Սակայն քանի որ խանութ իմաստը ենթադրում է առևտրական կուղական, ապա բառարանային իմաստներին պետք է ավելացնել նաև «արհեստանոց», որովհետև, ինչպես պարզ դարձավ վերևում հիշատակված արձանագրությունների հատվածներից, կուղականները կոչվել են զանազան արհեստների անուններով և ակնհայտ է, որ դրանք եղել են արհեստանոցներ։ Այս տերմինն առաջացել է պահլավերեն «kur-pak» — խանութ բառից, պարսկերենում խանութը արտահայտվել է «kurba» բառով։ Պարսկերենից են փոխառված արաբերեն qurbaj, kurba՛j կամ qurbak — խանութ բառերը։ Վրացերենում նույնպես խանութը նույն բառով է արտահայտվում, օրինակ՝ «մեքուրբաքե», որ նշանակում է խանութպան⁵⁰։ Վրաստանի Աթենի տաճարի հարավային պատին շատ հետաքրքիր արձանագրություն է պահպանվել, որտեղ նշված է Աթենի բերդի պարետի կողմից տներ և կուղականներ

45 Նույն տեղում, էջ 240—241։

46 Մառի աշակերտները այդ փողոցը կոչել են «Մառի փողոց» (տե՛ս Լ. Գյուլալյանի վերը նշված հոդվածը)։

47 Գրիգոր Տաթևացի. Գիրք քարոզութեան, նորին ամառան հատոր, Կ. Պոլիս, 1872, էջ 25։

48 «Ժամանակագրություն Գրիգոր վարդապետի Կամախեցուց», Երուսաղեմ, 1915, էջ 343—344։

49 Հ. ր. Աճառյան, Հայերեն արմատական բառարան, հատ. 2, էջ 684։

50 Նույն տեղում։

քուրազի) կառուցելու մասին⁵¹։ Խոսվում է նաև Վրաց Բագրատ թագավորի կողմից այդ կառուցումների համար տեղ հատկացնելու մասին։

Կուղպակները իրենց կառուցվածքային ձևերով եղել են մեկ կամ երկու հարկանի, հաճախ ներքնատներով, պահեստարաններով։ Որպես կանոն դրանք եղել են արհեստավորի բնակարանին կից կամ դրա երկրորդ հարկում։ Կուղպակների ճարտարապետական կառուցվածքի մասին որոշ պատկերացում կարող ենք կազմել Անիի պեղումների ժամանակ բացված տնտեսական բնույթի շինությունների, վիմագրական և մատենագրական աղբյուրների հաղորդումների հիման վրա։

Առավելապես ուշագրավ են Անիի հնագիտական արշավախմբի տասներորդ սեզոնի աշխատանքների ժամանակ բացված վաճառատներն իրենց կուղպակներով, որոնք տեղավորված են եղել Արու մա-Ամրան մզկիթի արևմտյան և արևելյան կողմերում։ Այդ վաճառատները նկարագրել է ճարտարապետ Թ. Թորամանյանը. «Զույգ վաճառատները հետաքրքրական են իրենց ներքին ընդարձակ բացօթյա բակով և երկհարկանի շուրջանակի փոքր սենյակներով... Ներսի կողմեն ոչ նվազ վայելուչ էր վաճառատունը իր գեղեցիկ բարձրաքանդակներով շրջապատված դռներով, գույնզգույն քարերով, իրարու մեջ հագցված դռների ճակատներով»⁵²։ Անշուշտ, այս վաճառատունը իր մեջ ընդգրկել է առևտրական կուղպակների մի ամբողջ շարք։ Ինչպես տեսնում ենք, այս վաճառատան կուղպակների շինությունները ճարտարապետական կառուցվածքային տեսակետից բավական յուրօրինակ և ճոխ տեսք են ունեցել։

Վերևում հիշատակված արևելյան շարքի մի կուղպակի ներքնահարկում բացվել են վեց կավե կարասներ։ Այս նույն շարքում «... հիշատակության արժանի է փականագործական արհեստանոցը, ինչպես նաև արհեստանոցներ, որտեղ բացվել են հալոցներ»⁵³։

Միջնադարյան կուղպակ-արհեստանոցների կառուցվածքը պատկերացնելու տեսակետից խիստ արժեքավոր է Գեղմարգի արձանագրությունը նրևանի կաթողիկեի վրա, որտեղ նշված են

կուղպակներին կից օժանդակ հարմարությունները։

Իրենց բնույթով կուղպակները երկու տեսակ են եղել։ Կուղպակ են անվանվել և այն հաստատությունները, որոնցում զբաղվել են արհեստով ու որտեղ արհեստավորը սովորական օրերին վաճառել է իր արտադրանքը, և՛ այն կուղպակ-կրպակ-խանութները, որտեղ միայն առևտուր է կատարվել։ Եթե առաջինները գրտնրվել են գերազանցապես արհեստավորական թաղերում կամ շարքերում, ապա երկրորդների տեղաբաշխումը բավական լայն շրջանակներ է ընդգրկել։ այդպիսի կուղպակներ եղել են շուկաներում, տոնավաճառներում, գլխավոր փողոցներում, հրապարակներում, խանապարներին կամ պանդոկ-փնդուկներին կից։ Մի վիմագիր հիշատակություն թույլ է տալիս ենթադրելու, որ որոշ արհեստավորական թաղեր ունեցել են իրենց խանապարը⁵⁴։

Ժամանակագրական առումով կուղպակների այս երկու տիպերի մեջ որոշ տարաբաժանում կա. եթե արհեստագործական կուղպակները լայն տարածում են ունեցել IX—XIII դդ., ապա հետագայում առևտրի զարգացմանն ու մասնագիտացմանը զուգընթաց ավելի ստվարանում են կուղպակ-կրպակ-խանութները։

Հարկ է նշել, որ քաղաքներում արհեստավորական թաղերի կամ շարքերի գոյությունը ենթադրում է այդտեղ համաքարությունների առկայությունը։ «Ինչ էին դրանք (իմա՝ թաղերը կամ շարքերը—Գ. Ս.),— դրում է ՀՍՍՀ ԳԱ ակադ. Բ. Ն. Առաքելյանը,— եթե ոչ համաքարություններ, որոնք քաղաքներում զբաղեցնում էին առանձին թաղ կամ շարք, այդտեղի բոլոր կուղպակ-արհեստանոցները, որտեղ և արտագրում էին ու վաճառում իրենց արտադրանքը և որտեղ մուտք գործել չէին կարող տվյալ համաքարության մեջ ընդգրկված կողմնակի արհեստավորները»⁵⁵։ Արհեստագործական արտադրության վաճառքի հետ կապված հարցերը լուծվում էին համաքարական «ծերերի ատյանի կողմից»⁵⁶։ Կային, անշուշտ, առանձին գործող արհեստավոր-առևտրականներ, սակայն սրանք հաճախ չէին գիմանում մրցակցությանը համաքարականների հետ, քանի որ հենց համաքարությունն էր, «որն ապահովում էր նրա մեջ միավորված արհեստավորների հաղթանակը «անկազմակերպ» արհեստավորների նկատմամբ»⁵⁷։

54 Տե՛ս Անիի Ս. Առաքելոց եկեղեցու Շապագինի արձանագրությունը, դրված 1348 թ.։

55 Բ. Ն. Առաքելյան, Քաղաքները և արհեստները..., հատ. 2, էջ 181։

56 Նույն տեղում, էջ 199։

57 Նույն տեղում, էջ 178։

51 Н. А. Джавахов, К вопросу о времени построения грузинского храма в Атене по вновь обследованным эпиграфическим памятникам, ХВ, I, вып. 3, Петербург, 1912, էջ 290։

52 Թ. Թորամանյան, Նյութեր հայկական ճարտարապետության պատմության, հատ. 2, Երևան, 1942, էջ 350։

53 Л. Т. Гюзальян, Персидская надпись..., էջ 637։

Կուղպակների նվիրատվությունները միջնադարում բավական մեծ չափեր են ընդունել: Այդ հաստատությունները աշխարհիկ կամ հոգևոր անձինք նվիրվել են եկեղեցիներին ու վանքերին, որպես փոխհատուցում ստանալով պատարադներ: Նվիրված կուղպակները դառնում էին նոր տիրոջ սեփականությունը «յազգէ յազգ հայրենիք»⁵⁸, բավարարելով նրան ոչ միայն արհեստագործական առարկաներով, այլև դրանց վաճառքից ստացված եկամուտով: Կուղպակների նվիրատվությունների մասին Բ. Ն. Առաքելյանը նշում է, որ «...կուղպակներն իրենց արհեստավորներով չէին նվիրաբերվում, նրանք գործող կուղպակներ չէին, այլ խոսքը վերաբերում է կուղպակի դատարկ շենքին, ինչպես և քաղաքներում գտնվող դատարկ տներին, որոնք վաճառվում էին կամ նվիրաբերվում և իրենց տերերին եկամուտ բերում օգտագործվելով իբրև կուղպակ՝ արհեստանոց, խանութ, կամ սլահեստ»⁵⁹:

Կուղպակների նվիրատվությունները հիմնականում երկու ձևով են կատարվել: Նվիրատուներից ոմանք նվիրել են իրենց սեփական կուղպակները, իսկ մյուսները ուրիշից գանձագին արված կամ գնածները:

Կուղպակները ոչ միայն նվիրվել են, գնվել և վաճառվել, այլև վարձով են տրվել: Այս կապակցությամբ հետաքրքիր է վերևում մեջբերված հատվածը, որտեղ Կիրակոս Գանձակեցին խոսում է Արճեշի Աստվածատուր վարդապետի բազում կուղպակների և դրանք վարձով տալու մասին:

Այստեղ հարկ է անդրադառնալ նվիրատուների սոցիալական կազմի փոփոխություններին, որ տեղի ունեցավ խնդրո առարկա ժամանակաշրջանում: Վիմագրական հիշատակությունները վկայում են, որ IX դարից մինչև XIII դ. սկզբները հիմնականում նվիրվել են գնված կամ գանձագին տրված կուղպակները, իսկ նվիրողները եղել են իշխաններ կամ իշխանական տների այլ ներկայացուցիչներ: XIII դարում արդեն հանդես են գալիս նոր բնույթի մեծահարուստներ, որոնք շատ հաճախ իշխանական ծագում չունեին և իրենց հարստությունը դիզել էին զբաղվելով արհեստագործությամբ և առևտրով: Սրանք սովորական արհեստավորից կամ առևտրականից վեր էին անցնում բազմաթիվ ու բազմապիսի արհեստագործական ու առևտրական օբյեկտների և այլ անշարժ ունեցվածքի

տերերի և այժմ կարող էին նվիրել ոչ թե գնած, այլ իրենց սեփական տներն ու կուղպակները: Պատահական չէ, որ XIII—XIV դդ. կուղպակներ նվիրողների մեծ մասը նորահայտ մեծահարուստ տների ներկայացուցիչներ են: Վերջապես այս ժամանակ է երևան գալիս կուղպակները, տները և այլ արտադրական ու առևտրական օբյեկտները վարձով տալու երևույթը՝ որպես եկամտի աղբյուրի նոր ձև:

Հայ մատենագրության մեջ շատ ուշագրավ հիշատակություններ են պահպանվել առևտրական կուղպակներում երբեմն տեղ գտած խաբեությունների ու շարաշահումների մասին. կուղպակավոր առևտրականները հաճախ անվանվել են «պողեր ու զրկողներ»⁶⁰:

Վերջում ցանկանում ենք ներկայացնել արձանագրություններում և մատենագրության մեջ հիշատակված այն արհեստավորական շարքերն ու փողոցները, որոնք մեզ հաջողվեց պարզել օգտագործված նյութերի հիման վրա:

Արհեստավորական քաղեր կամ շաբլեր

«Բազզփողոց» — կտավագործների կամ ջուհակների թաղ Անիում:

«Գդակկրոց» — գլխարկագործների թաղ իր խանապարով՝ Անիում:

«Դարբնո-փողոց» — ձգվել է Անիի Ս. Գրիգոր եկեղեցու մոտով:

«Կաւշկակարոց» — կոշկակարների այս թաղը «կից է եղել Տիգրան Հոնենցին պատկանող ուստի և նրա անունով հիշատակված թաղին»⁶¹:

«Կատտնոց» — մեզ առայժմ անհայտ մասնագիտացմամբ արհեստավորական թաղ Անիում:

«Նալպնդնոց» — պայտարների թաղ Անիում:

«Փուկարարոց» — թաղ Անիում, որտեղ, թերևս, զրաղվել են համետագործությամբ⁶²:

«Սառաճփողոց կամ Սառճփողոց» — թամբագործների շարք Անիում, հիշատակված է երկու անգամ:

Փողոցներ

«Աւագ փողոց» — գտնվել է Նախիջևանում, ունեցել է տասնյակ կուղպակներ:

58 Ս տ. Օրբելյան, Պատմութիւն նահանգին Սիսական, էջ 289:

59 Բ. Ն. Առաքելյան, Քաղաքները և արհեստները..., հատ. 2, էջ 22:

60 Գրիգոր Տաթևացի, Գիրք քարտ-դութեան, նորին ամառան հատոր, էջ 25: Այդ մասին տե՛ս նաև Ներսէս Շնորհալի, Թուղթ ընդհանրական, էջմիածին, 1865, էջ 107:

61 Բ. Ն. Առաքելյան, Քաղաքները և արհեստները..., հատ. 2, էջ 182:

62 Նույն տեղում:

«Սիրիլի» փողոց — ձգվել է Անիի Արու մա-
Ամրան մզկիթի մոտով: Այստեղ գտնվող կուղ-
պակները մասնագիտացված են եղել բամբակե
գործվածքեղենի արտադրության և վաճառքի
մեջ:

«Ծաղուկակ» — փողոց Անիում, բառացի

«Ծուռ փողոց», այստեղից նվիրված կուղապակ-
ները հիշատակված են երկու անգամ:

«Բուն փողոց» — գտնվել է Անիի կենտրո-
նում, Մառի աշակերտների կողմից անվանվել
է նաև «Մառի փողոց»:

Գ. ՍԱՐԳՍՅԱՆ

БРОНЗОВЫЕ ПОЯСА ИЗ ЛЧАШЕНА И СТЕПАНАВАНА

В последние годы на территории Армян-
ской ССР найдены новые гравирован-
ные бронзовые пояса. Изображенные на
них батальные, охотничьи и культовые
сцены представляют собой замечательные
творения древних художников. Исследо-
вание этих изображений позволяет соста-
вить представление о быте и обычаях на-
селения древней Армении. К числу наи-
более интересных относятся пояса из тон-
кой листовой бронзы, случайно обнару-
женные при земляных работах в 1960 г.
в Лчашене (3 экземпляра) и в 1955 г.
в Степанаване (1 экземпляр).

Сохранившаяся часть первого лчашен-
ского пояса имеет длину 86 см и ширину
13,5 см (рис. 1 а). Края и центральная
часть пояса обломаны, однако это не ме-
шает общему восприятию изображения.
Вдоль всего пояса сверху и снизу про-
ходит бордюр из трех рядов «бегущей
спирали», символизирующей вечное дви-
жение солнца, окаймленной с обеих сто-
рон короткими косыми штрихами. Внут-
реннее пространство пояса разделено на
три орнаментальные полосы, каждая из
которых украшена заштрихованными кли-
новидными и ромбовидными узорами и
такими же вертикальными узорами, раз-
деляющими эти три части.

Основными изображениями на каждой
полосе являются скачущие олени и козы.
Наиболее богата рисунками левая поло-
са, где изображены две козы и козел.
Животные показаны в стремительном бе-
ге, с вытянутыми вперед передними и чуть
подогнутыми задними ногами; небольшие
головы увенчаны изящными заостренными
рогами. Морды животных удлиненные, у
одной козы приоткрыт рот. На левой по-
лосе есть и другие изображения, причем
некоторые из них трудно понять. Перед
мордой и над спиной правой козы про-
черчены слегка заштрихованные овалы с
примыкающими к ним снаружи кружками.

Сплошь заштрихованный овал помещен
между рогами козы. Между ее передними
и задними ногами помещены два сое-
диненных вершинами треугольника с при-
мыкающими к месту соединения с обеих
сторон эллипсами, отдаленно напоминаю-
щие летящую птицу. Под и над средней
козой также имеются овалы с кружками,
аналогичные овалам, прочерченным ря-
дом с правой козой. Перед мордой жи-
вотного изображена шагающая птица.
Слева помещена фигура бегущего козла
с напряженным членом, который, по-види-
мому, преследует самок. Перед его мор-
дой тоже находится фигура птицы.

Центральная полоса украшена тремя
фигурами стремительно бегущих коз. Под
туловищем средней козы изображен уже
знакомый нам по рисунку на левой по-
лосе овал, под брюхом правой козы —
птица головой к животным, от которой
сохранилась только передняя часть.
По-видимому, левая и центральная части
пояса (хотя они и отделены друг от дру-
га вертикальной линией) составляют еди-
ную композицию. Древний художник по-
казал сцену преследования самцом пяти
самок. Фигуры птиц, являющиеся симво-
лами бога неба, солнца и плодородия,
здесь имеют двоякое значение. Судя по
рисунку на первой полосе, птицы благо-
словляют оплодотворение, а на централь-
ной полосе птица задерживает самок,
стремясь содействовать осуществлению
этого акта.

Правая полоса пояса украшена такими
же гравированными изображениями жи-
вотных. Впереди мчится коза и олениха,
которых преследует самец оленя с напря-
женным членом. Фигура козы ничем не от-
личается от изображений животных на
других частях пояса. Олени показаны в
стремительном беге, с выброшенными впе-
ред передними и подогнутыми задними
ногами. Шей у них вытянуты, небольшие